



V Volfgangus natus est Basileæ patre Iacobo Vuissenburgio, & matre Margaretha, anno 1496. Nomen illud ideò ei datum erat, quod parentes ad Thermas Badenas Marchionum (pro more) profecturi, ut masculam prolem sibi compararent, in itinere circa Argentinam in æde S. Vuolfgangi preces suas pro filio fudissent, atq; statim sequenti nocte mater sese filium cõcepisse, S. Vuolfgangi intercessione, somniasset. Is autem cum felici ingenio eslet præditus, à pueris operã literis dedit, atq; à pio quodã sacerdote monacho circa vitginum monasterium, quod Adlapides dicitur, in suburbio Basiliensi prima rudimẽta percepit. Sub

eo adeò profecit, ut anno ætatis 12 ad Academiae lectiones admitteret. Ibi magna diligentia operam Philosophiæ dedit, atq; anno 1515 multorum gratulatione artium Magister creatus fuit. Mox etiam locus inter professores datus. Verùm cum eodem tempore Glareanus Basileam uenisset, Vuolfgangus sese ei adiunxit, atq; Mathematicas disciplinas eo præceptore feliciter didicit, ita ut eas postea diu publicè docuerit. Cum hoc modo pergeret, atq; etiam sacris literis incumberet, anno 1522 sacerdos inaugurat, atq; parochia in xenodochio committitur. In eo loco magna diligentia Christum prædicauit, atq; cum Lutheri scripta legisset, sese mox Oecolampadio Basileæ coniunxit, & in Evangelica doctrina publicanda eum gnauiter adiuit, ac aduersarijs restitit. Itaq; factum cum anno 1529 Basileæ religionis fieret mutatio, ut is minoris urbis pastor cõstitueretur. Tum autem urbs in 4. parochias diuisa, & quatuor parochi ordinati. primus templi cathedralis, qui erat Ioannes Oecolampadius, secundus S. Petri, qui erat Constãtinus Phrygio, tertius S. Leonhardi, qui erat Marcus Berschius, & quartus S. Theodori in minore urbe.